



Broj: 04-1- 54 /23

Datum: 10.01.2023. godine

Na osnovu članova 68. i 69. Zakona o visokom obrazovanju („Sl. novine Kantona Sarajevo“ br. 36/22) i Instrukcije o sastavu Vijeća, članica Univerziteta u Sarajevu (0101-10578/22 od 07.10.2022. godine), Vijeće Univerziteta u Sarajevu - Fakulteta zdravstvenih studija, na 43. redovnoj sjednici održanoj 10.01.2023. godine donosi

ODLUKU

I

Usvaja se Poslovnik o radu Vijeća Univerziteta u Sarajevu – Fakulteta zdravstvenih studija, usklađen sa odredbama članova 68. i 69. Zakona o visokom obrazovanju („Sl. novine Kantona Sarajevo“ br. 36/22).

II


Poslovnik o radu Vijeća Univerziteta u Sarajevu – Fakulteta zdravstvenih studija čini sastavni dio ove Odluke.

III

Odluka stupa na snagu danom donošenja.

Dekan

Prof. dr. Arzija Pašalić



Akt obradila: Amira Sahbazović, viši str. saradnik za opće pravne poslove

Sekretar Fakulteta potvrđuje da je akt u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu – Fakulteta zdravstvenih studija nadležno za donošenje istog shodno članu 69. Zakona o visokom obrazovanju („Službene novine Kantona Sarajevo“, broj 36/22).

Amela Jašarević, sekretar

Dostavljeno:

1x Vijeće Fakulteta

1x a/a



Na osnovu člana 69. Zakona o visokom obrazovanju Kantona Sarajevo (Službene novine Kantona Sarajevo, broj: 36/22), i Instrukcije o sastavu Vijeća članica Univerziteta u Sarajevu (0101-10578/22 od 07.10.2022. godine), Vijeće Univerziteta u Sarajevu - Fakulteta zdravstvenih studija, na 43. redovnoj sjednici Vijeća Univerziteta u Sarajevu - Fakulteta zdravstvenih studija, održanoj 10.01.2023 godine donosi

POSLOVNIK

o radu Vijeća Univerziteta u Sarajevu - Fakulteta zdravstvenih studija

OPĆE ODREDBE

Član 1.

Ovim Poslovnikom o radu Vijeća (u daljem tekstu: Poslovnik) se uređuje sastav i način rada, prava i dužnosti članova Vijeća Univerziteta u Sarajevu - Fakulteta zdravstvenih studija (u daljem tekstu: Fakultet) kao i druga pitanja bitna za rad Vijeća., a naročito:

- Konstituisanje i sastav Vijeća,
- Nadležnosti Vijeća,
- Prava i dužnosti predsjedavajućeg Vijeća u pripremi sjednica i radu na sjednicama,
- Prava i dužnosti članova Vijeća u pripremi sjednica i radu na sjednicama,
- Pripremanje i sazivanje sjednice,
- Vođenje sjednica,
- Tok sjednica i održavanje reda na sjednicama,
- Način donošenja odluka,
- Vođenje i usvajanje zapisnika,
- Druga pitanja od značaja za rad Vijeća.

Član 2.

Odredbe ovog Poslovnika se primjenjuju na sve članove Vijeća kao i na osobe koje prisustvuju sjednicama Vijeća ili njegovih radnih tijela.

Učestvovanje u radu Vijeća i njegovih radnih tijela smatra se redovnom radnom i nastavno-naučnom obavezom članova.

SASTAV I MANDAT ČLANOVA VIJEĆA

Član 3.

- (1)Vijeće fakulteta je najviše stručno tijelo fakulteta.
- (2)Vijeće fakulteta čine nastavnici, predstavnici saradnika, stručnog nenastavnog osoblja i studenata u skladu sa statutom univerziteta, preciznije:

- a) akademsko osoblje u zvanju docenta, vanrednog i redovnog profesora koje je u radnom odnosu na visokoškolskoj ustanovi;
- b) predstavnici asistenata i viših asistenata;
- c) predstavnik stručnog nenastavnog osoblja i
- d) predstavnici studenata.

(3) Jedan nastavnik ili saradnik može biti član vijeća samo jedne organizacione jedinice univerziteta, pod uslovom da je zaposlen na toj visokoškolskoj ustanovi.

(4) Članovi vijeća fakulteta su student prodekan i najmanje po jedan predstavnik studenata sa svih ciklusa studija koji se organizuju na visokoškolskoj ustanovi, koje bira vijeće studenta, odnosno studentska asocijacija visokoškolske ustanove.

(5) Članovi Vijeća fakulteta su odgovorni nastavnici u naučno-nastavnom zvanju i predstavnik saradnika u saradničkom zvanju iz nastavnih baza univerziteta koji imaju zaključen ugovor o radu sa nepunim radnim vremenom sa visokoškolskom ustanovom do najviše jedne trećine od ukupnog broja članova vijeća članice, što se preciznije utvrđuje statutom visokoškolske ustanove.

Predstavnik asistenata i viših asistenata biraju saradnici. Odluka sa prijedlogom imena predstavnika se dostavlja na protokol Fakulteta, a ista se proslijeđuje Vijeću.

Predstavnik studenata bira Studentska asocijacija Fakulteta. Postupak predlaganja predstavnika studenata provodi se na način predviđen opštim aktima Studentske asocijacije. Odluku sa prijedlogom imena predstavnika, Studentska asocijacija u pismenoj formi dostavlja na protokol Fakulteta, a ista se proslijeđuje Vijeću.

Mandat članova Vijeća iz reda akademskog osoblja je 4 godine, a za studente jedna godina.

Član 4.

U radu Vijeća učestvuje Sekretar Fakulteta bez prava glasa, izuzev ako je na prijedlog stručnog nenastavnog osoblja izabran za predstavnika stručnog nenastavnog osoblja u Vijeću.

U radu Vijeća mogu učestvovati i druga lica bez prava glasa .

NADLEŽNOSTI

Član 5.

Nadležnosti Vijeća su:

- a) donosi odluku o svim akademskim, nastavnim, naučnim, umjetničkim i stručnim pitanjima u okviru svoje nadležnosti;
- b) kreira i predlaže Smjernice za izbor u akademska zvanja senatu i rektoru univerziteta;
- c) inicira i vrši evaluaciju studijskih programa za sve cikluse studija, i to najmanje jedanput po isteku trajanja ciklusa studija u kojem se realizira studijski program;
- d) bira i razrješava dekana/direktora i prodekane;
- e) donosi opće akte članice;
- f) formira komisiju za podnošenje izvještaja za izbor u naučno-nastavna, i naučnoistraživačka zvanja i utvrđuje prijedlog odluke o izboru kandidata;

- g) predlaže studijske programe svih ciklusa studija;
- h) predlaže upravnom odboru univerziteta pravilnik o radu fakulteta;
- i) predlaže senatu program naučnoistraživačkog rada i program stručnog usavršavanja akademskog osoblja i drugih zaposlenika;
- j) predlaže komisije koje se imenuju za provođenje postupka stjecanja akademske titule i zvanja prvog, drugog i trećeg ciklusa studija;
- k) daje prijedlog senatu za izbor profesora emeritusa;
- l) razmatra zahtjeve i utvrđuje prijedloge za stručno usavršavanje akademskog osoblja u zemlji i inostranstvu;
- m) utvrđuje privremene posebne mjere za otklanjanje diskriminacije i neravnopravnosti;
- n) utvrđuje prijedlog broja studenata za upis u prvu godinu studija u skladu sa zakonom;
- o) donosi odluku o izbornim predmetima u okviru studijskog programa koji će se izvoditi u određenoj studijskoj godini;
- p) utvrđuje prijedlog plana realizacije nastave prije početka studijske godine koji sadrži prijedlog liste odgovornih nastavnika i saradnika koji se dostavlja senatu visokoškolske ustanove;
- r) analizira uspješnost izvođenja nastave i provedenih ispita iz nastavnih predmeta u semestru i studijskoj godini i utvrđuje mjere za njihovo unapređenje i poboljšanje;
- s) analizira i ocjenjuje i izvještava o rezultatima i uspješnosti izvođenja nastave u okviru studijskih programa;
- t) utvrđuje prijedlog preventivnih i korektivnih mjera za unapređenje nastave;
- u) odlučuje po prigovoru studenata na rješenje dekana o mirovanju prava i obaveza studenata, odnosno odlučuje u drugom stepenu o pravima i obavezama studenata;
- v) utvrđuje prijedlog programa rada i razvoja fakulteta;
- aa) razmatra izvještaj o radu sa finansijskim poslovanjem fakulteta;
- bb) daje rektoru mišljenje na prijedlog pravilnika o unutrašnjoj organizaciji i sistematizaciji radnih mjesta u dijelu koji se tiče fakulteta;
- cc) obavlja i druge poslove u skladu sa statutom i drugim općim aktima

SJEDNICE VIJEĆA

Član 6.

Sjednice Vijeća mogu biti redovne i vanredne ili tematske.
 Sjednice Vijeća su javne.
 Vijeće može odlučiti da sjednica bude zatvorena za javnost.

Član 7.

Redovne sjednice se, u skladu sa usvojenim akademskim kalendarom, u pravilu održavaju jedanput mjesečno.
 Redovne sjednice Vijeća se označavaju rednim brojem počevši od stupanja na dužnost izabranog dekana.
 Vanredne i tematske sjednice se označavaju sa riječi „vanredna” i redni broj ili „tematska” i redni broj.

Član 8.

Svi članovi Vijeća su obavezni prisustvovati zakazanoj sjednici Vijeća.

U slučaju spriječenosti, član Vijeća je dužan obavijestiti Dekanat najkasnije 24 sata prije održavanja sjednice osim u slučaju spriječenosti zbog bolesti ili više sile.

Viši asistent i asistent, član Vijeća, u slučaju spriječenosti može imenovati zamjenu iz reda viših asistenata i asistenata, o čemu je dužan pismeno obavijestiti dekana 24 sata prije održavanja sjednice.

Student, član Vijeća. U slučaju spriječenosti, može imenovati zamjenu iz reda studenata za pripadajući ciklus studija, o čemu je dužan pismeno obavijestiti dekana 24 sata prije održavanja sjednice.

PRIPREMANJE I SAZIVANJE SJEDNICA VIJEĆA

Član 9.

Sjednice Vijeća saziva Dekan po vlastitoj inicijativi, inicijativi Univerziteta, ili na prijedlog članova Vijeća ili njegovih radnih tijela.

Dekan je dužan sazvati sjednicu u roku 15 dana od dana kada je pristigla pismeno izražena inicijativa ili podnesak za održavanje sjednice vijeća.

Poslove pripremanja sjednice vrši Dekan u saradnji sa Sekretarom Fakulteta, prodekanima i administrativno-tehničkom službom Fakulteta.

Dnevni red, na osnovu prispjelih materijala, podnesaka i prijedloga, određuje Dekan.

Član 10.

Poziv za sjednicu se dostavlja u pismenoj formi najkasnije tri dana prije održavanja sjednice za redovne i tematske sjednice ili 24 sata prije sjednice Vijeća za vanredne sjednice i sadrži datum održavanja, dnevni red, zapisnik sa prethodne sjednice i materijale potrebne za rad na sjednici.

U slučaju vanrednih sjednica Vijeća, koje mogu biti izuzetno ili hitno sazvane, dnevni red može biti predložen i na samoj sjednici Vijeća.

U opravdanim slučajevima, Dekan Fakulteta može sazvati sjednicu Vijeća telefonski i/ili elektronskim putem. Materijal za sjednicu Vijeća dostavlja se elektronskim putem. Odluka se smatra usvojenom ako se o njoj pozitivno izjasni većina od ukupnog broja članova Vijeća, što se dokazuje elektronskim ispisom pojedinačnog izjašnjenja članova Vijeća.

RAD VIJEĆA

Član 11.

Sjednicom Vijeća predsjedava Dekan, a u slučaju njegove spriječenosti ili odsutnosti jedan od prodekana kojeg ovlasti Dekan (u daljem tekstu: Predsjedavajući)

Predsjedavajući može otvoriti sjednicu ukoliko postoji kvorum koji čini natpolovična većina broja članova Vijeća ($1/2+1$ član) što se konstatuje uvidom u listu članova Vijeća, te prisutnih članova.

U slučaju da ne postoji kvorum za održavanje sjednice Vijeća, sjednica se odlaže. Sjednica Vijeća čije je održavanje odloženo, zakazuje se ponovo za sedam dana, samo dostavljanjem poziva.

Član 12.

Ako sjednici prisustvuje dovoljan broj članova za održavanje sjednice Vijeća, Predsjedavajući konstatuje da se sjednica može održati, te predlaže dnevni red. Članovi Vijeća imaju pravo predložiti izmjenu ili dopunu dnevnog reda uz odgovarajuće obrazloženje.

Glasanjem o predloženim tačkama dnevnog reda se vrši njegovo usvajanje a smatra se da je usvojen ukoliko za njega glasa većina prisutnih članova Vijeća.

Član 13.

Nakon usvajanja dnevnog reda, članovi Vijeća se izjašnjavaju o zapisniku sa prethodne sjednice.

Usvajanje zapisnika sa prethodne sjednice je prva tačka dnevnog reda svake sjednice Vijeća.

U slučaju primjedbi, one se konstatuju u zapisnik i članovi Vijeća se izjašnjavaju glasanjem.

Zapisnik se smatra usvojenim ukoliko je glasala natpolovična većina prisutnih članova Vijeća.

Član 14.

Nakon usvajanja zapisnika, sjednica se odvija prema tačkama usvojenog dnevnog reda.

Predsjedavajući daje riječ izvjestiocima za pojedine tačke dnevnog reda koji izlažu sadržaj teme o kojoj se vodi rasprava kao i prijedlog odluke.

Članovi Vijeća i ostali prisutni prijavljuju se za učešće u raspravi i obavezni su se pridržavati sadržaja dnevnog reda.

Član 15.

Predsjedavajući zadržava pravo oduzeti riječ u slučaju da se u toku rasprave prisutni ne pridržavaju dnevnog reda, ili u raspravi ne slijede sadržaj teme ili se ne pridržavaju vremeneskog okvira predviđenog za učešće u raspravi.

Vrijeme za diskusiju je ograničeno na 3 (tri) minute za članove Vijeća, osim dekana i izvjestioca.

Vrijeme za repliku je ograničeno na 2 (dvije) minute.

Član 16.

Ako se neki sadržaj ne može raspraviti na sjednici, može se odložiti za sljedeću sjednicu.

Kada Predsjedavajući ocjeni da je sadržaj raspravljen, zaključuje da je rasprava završena i ona se ne može nastaviti.

RADNA TIJELA VIJEĆA

Član 29.

Radna tijela Vijeća su komisije, odbori, radne grupe, timovi ili druga tijela u skladu sa odlukom Vijeća.

Radna tijela mogu biti stalna ili ad hoc.

U radnim tijelima se raspravlja o prijedlozima za donošenje odluka na Vijeću ili pripremaju materijali potrebni za rad Vijeća Fakulteta, skladu sa ciljevima i potrebama zbog kojih je radno tijelo i formirano.

Član 30.

Dekan Fakulteta predlaže Vijeću članove radnih tijela.

O konačnom prijedlogu izjašnjava se Vijeće glasanjem.

Član 31.

Odlukom Vijeća utvrđuje se sastav i broj članova te djelokrug rada komisija i drugih radnih tijela.

Mandat članova stalnih komisija traje 4 (četiri) godine osim mandata studentskih predstavnika, kojima mandat traje 1 (jednu) godinu.

Mandat ad hoc radnih tijela traje dok traje potreba za radom takvog radnog tijela ili dok se ne završi zadatak.

Član 32.

Sjednice komisija saziva i njima rukovodi predsjednik komisije.

Sjednica komisije će se održati ako je prisutna natpolovična većina od ukupnog broja članova komisije.

Komisije sarađuju međusobno a mogu i održavati zajedničke sjednice o istoj temi rasprave.

Član 33.

Na sjednice komisije mogu se prema potrebi pozvati zaposlenici Fakulteta koji svojim stručnim znanjem i iskustvom mogu pomoći u zauzimanju mišljenja i stava.

Ako članovi komisije zaključe da je neophodno, na sjednicu komisije se takođe mogu pozvati i predstavnici drugih institucija koji nemaju pravo glasa.

Član 34.

Sve komisije obrazovane za izvršavanje poslova, procedura i zadataka na Fakultetu, kao i na nivou Univerziteta, dužne su svoje obaveze odnosno izvještaje završiti u utvrđenim rokovima.

Rad u radnim tijelima Vijeća ili na nivou Univerziteta se smatra nastavno-naučnom i radnom obavezom.

Član 35.

Na rad Komisija i drugih radnih tijela se primjenjuju odredbe ovog Poslovnika.

PRELAZNE I ZAVRŠNE ODREDBE

Član 36.

Izmjene i dopune Poslovnika donose se istim postupkom po kojem je i donesen Poslovnik.

Član 37.

Poslovnik stupa na snagu danom usvajanja na sjednici Vijeća.
Usvajanjem ovog poslovnika, prestaje da važi Poslovnik o radu vijeća Univerziteta u Sarajevu – Fakulteta zdravstvenih studija, od 17.01.2018. godine.

Sarajevo, 10.01.2023. god.



D e k a n

Prof.dr. Arzija Pašalić

